

Na osnovu člana 64. Zakona o zdravstvenoj zaštiti («Službene novine Federacije BiH», broj 46/10), člana IV Odluke o kriterijima za imenovanje Upravnog odbora Javne ustanove «Dom zdravlja» Visoko («Službeni glasnik općine Visoko», broj 6/12) i člana 33 Statuta općine Visoko («Službeni glasnik općine Visoko», broj 1/11) Načelnica Općine Visoko raspisuje

## **JAVNI OGLAS**

**za imenovanje Upravnog odbora**

**Javne ustanove «Dom zdravlja» Visoko**

I

Upravni odbor Javne ustanove Dom zdravlja Visoko

Predsjednik 1

Član 2

Upravni odbor ima tri člana i čine ga predstavnici:

- osnivača - jedan član

- stručnih radnika zdravstvene ustanove – jedan član

- kantonalnog ministarstva zdravstva – jedan član

**Mandat** upravnog odbora traje četiri godine

Kandidati koji se imenuju u Upravni odbor JU Dom zdravlja Visoko čiji je osnivač Općina Visoko, dužni su pored uslova utvrđenih u Zakonu o zdravstvenoj zaštiti, Zakonu o ministarskim, vladinim i drugim imenovanjima Federacije BiH, kao i odredbe Zakona o sukobu interesa u organima vlasti u F BiH ispunjavati slijedeće uslove:

- opće i

- posebne uslove

**Opći uslovi za imenovanje su:**

1. da su državljani Bosne i Hercegovine,
2. da nemaju privatni finansijski interes u zdravstvenoj ustanovi u čiji upravni odbor se kandiduju,
3. da nisu osuđivani za krivično djelo nespojivo sa dužnošću u upravnom odboru zdravstvene ustanove,
4. da nisu direktori zdravstvene ustanove,
5. da nisu članovi ni u jednom upravnom, odnosno nadzornom odboru ustanove, zavoda, odnosno privrednog društva sa većinskim državnim kapitalom.

**Posebni uslovi za imenovanje su:**

1. da imaju završen VSS /VII stepen stručne spreme ili II ciklus bolonjskog sistema studiranja: pravnog, ekonomskog ili zdravstvenog usmjerenja,
2. da imaju najmanje pet godina radnog iskustva na poslovima svog stručnog poziva,

3. da imaju znanje iz djelatnosti zdravstvene ustanove, te da su upućeni u sadržaj i način njenog rada,

4. da imaju sposobnost upravljanja finansijskim sredstvima i ljudskim resursima, kao i sklonost timskom radu.

Rok za podnošenje prijave je 15 dana od dana objavljivanja računajući od datuma objave oglasa u glasili koje kasnije objavi ovaj oglas.

## **POTREBNI DOKUMENTI**

Uz prijavu na oglas potrebno je dostaviti slijedeće dokumente:

1. kraću biografiju sa ličnim podacima (ime i prezime, ime oca, JMBG, broj telefona za kontakt, adresa, kao i podatke o kretanju u službi,

1. izvod iz matične knjige rođenih (original ili ovjerenu kopiju),
2. uvjerenje o državljanstvu (original ili ovjerenu kopiju),
3. ovjerenu kopiju diplome o završenom stepenu i vrsti stručne spreme,

4. uvjerenje o radnom iskustvu,
5. svojeručno potpisan i od nadležnog organa ovjerenu izjavu kandidata na okolnosti iz tačke – Opći uslovi 2,3,4 i 5 i Posebni uslovi 3. i 4.
6. druge dokaze o ispunjavanju općih i posebnih uslova iz oglasa

**Oglas za podnošenje prijava ostaje otvoren 15 dana od dana objavljivanja.**

Prijave sa potrebnom dokumentacijom potrebno je dostaviti lično ili preporučenom poštom sa naznakom „PRIJAVA NA OGLAS ZA UPRAVNI ODBOR JU DOM ZDRAVLJA VISOKO – NE OTVARATI“

Služba za poslove Općinskog vijeća i Općinskog načelnika

- Komisija za razmatranje prijava

Ulica Alije Izetbegovića 12A, 71300 Visoko.

Neblagovremene i nepotpune prijave neće se uzimati u razmatranje.